

陳氏荷華山房詩稿

陳氏荷華山房詩稿卷之十六

高安陳邦瞻德遠著

七言律詩九十一首

冬日登樓有述

歸臥青山歲忽窮，登臨惆悵興誰同。
前林烏度寒雲外，小閣天冥細雨中。
自笑馬卿長善病，漫疑殷浩只書空。
凭欄莫問行藏事，久信浮生似轉蓬。

立春日作時自南曹乞假里居

歲月常嗟客裏身。茲辰喜是故園春。柳條不復
傷心碧。花蘂何妨刺眼新。隨俗杯盤堪薦客。趁
時鰕菜正娛親。獨憐未穩棲遲意。語燕鶯啼解
笑人。

寄吳日瞻

歲莫章門雨雪寒。故人何事滯江干。愁心應傍
鄉雲結。客夢還隨過雁殘。篋裏干將堪自老。曲
中流水爲誰彈。相思幾度頻招隱。未放扁舟興
已闌。

司理張君創建高安名宦鄉賢二祠有述
宮墻配食儼新祠文獻千秋洵在茲楚國先賢
如尚在桐鄉遺愛更與惡人追杖屨從遊日邑
想絃歌化俗時不獨風流存俎豆使君三管雅
能持

山行至淨樂宮送宮詹敖公未值却至錦
江石橋漫述

春林寒色起朝鴉路出懸崖雨望賒遠水忽迷
田上下輕烟如帶樹橫斜馭風更訪真人宅貫

月難逢漢使槎最是石梁宜晚眺江天晴氣欲
蒸霞

獨坐

獨坐空堂萬感侵春泥何處可登臨病來賦少
凌雲氣愁絕詩餘聽雨心最是親年堪懼喜強
從世路學浮沉從今事業休看鏡華髮殷勤爲
透簪

雨

赤日連山暗自收溟濛雨色滿滄洲千家籬落

涼如水五月陂塘澹似秋田父暝歸懽欲舞故人夜聽醉相酬無邊時事關心切頗有年豐可破愁

再過梅駙馬宅

主家臺館舊連雲此日空墻對夕曛春盡鶯花疑送客雨深苔蘚欲成文烏飛石自銀河散鳳去簫誰碧落聞莫向寒烟愁古木宮中樹色接氤氳

暑中獨坐書懷

江上秋風日夜驚客中搖落倍關情千門雲樹
過鴻影三徑蓬蒿入雨聲官舍似冰差免俗
帝城如海得藏名久疎造請饒高枕多病何妨
類馬卿

送徐見可太守之岳陽

牙籤正視尚書草紫綬俄分刺史章久識大名
千氣象其如共理切循良凝香晝靜湖天濶坐
嘯風生楚塞長稍待政成還漢闥莫同汲孺薄
淮陽

送吳白雪戶部之杭城權稅

越臺秋色接吳封，君去憂時感慨重。
握節載途中，謁者持籌仰屋大司農。
雪生海徼潮千疊，夜靜湖心月幾峯。
總是登臨饒異景，可能尊酒破愁濃。

莫秋同諸公集蔣廟

登臨無處不悲秋，選勝還堪逐壯遊。
雙鋏風塵饒慷慨，一杯身世任沉浮。
空林葉落天疑雨，古廟雲寒地轉幽。
何限躊躇今古意，暫時長嘯倚

高丘

送陳爲谷工部捧表入賀

瑤函催捧向文昌
玉輦稀聞御總章
詞賦誰當驚漢主
風流君不愧田郎
霜搖佩劍西山月
霧染朝衣御苑香
自是壯遊堪氣色
別魂空欲斷河梁

送武陽紆駕部還關西

紫氣關門未渺茫
看君西笑與何長
天連五峙秦城碧
日泛諸陵漢樹蒼
海內登壇思國士
中

朝題柱記仙郎誰憐雲際三峯色彩筆偏留畫
省香

壽蕭太公八十侍御鶴侶尊人

雪山錦水興條然載酒何人問草玄世事總銷
龍臥久主恩曾爲鳳毛偏星從井絡高南極
雲向蓬萊擁上仙此日漢廷須羽翼祝君還賦
出山篇

又代

錦城佳氣日氤氳青鳥銜書意正勤二月烟花

明劍樹一尊醴醑對江雲西臺姓字歸丹錄南
極星芒動斗文卽看安車馳魯邸由來經術漢
廷聞

署中懷曹尊生併寄

湖千秋色似瀟湘歲晏懷人意轉傷黃葉下時
山署冷白雲歸處海天長高城聽角悲殘月江
閣看鴻怨夕陽亦信長卿能做世未應游倦薄
爲郎

太平門曉望

臺城曉色滿湖干宮闕斜連雉堞看霜後
娉娉堤草歇日邊冉冉鳴雲寒紫宸縹緲遺仙躡
畫省風流尚漢官欲賦甘泉慙扈從空將佳氣
眺龍蟠

朱諧卿侍御歲暮携酒過敝署同故人宋
直夫夜酌賦宋爲豐城人因有奉句

江左風流自管聞白門冠蓋日爲羣
逢驄我欲避桓典載酒君偏愛子雲
醉後星霜忘歲晏語深燈火入宵分
相看各有豐城劍龍氣蒼茫動

斗文

元日上 孝陵回署試筆

是日風

火城遙散靄朝暾
仙從衣冠擁國門
萬戶春光融鑄洛
千年紫氣護陵園
漢宮並賜黃金勝
魏殿誰開白獸尊
試看雄風來直北
浮雲那得更天閣

友人宋直夫言別金陵詩以爲贈

春來爲客倍思家
况是河梁別恨賒
細草侵烟孤岍遠
輕帆帶雨莫江斜
故人湖海衣猶白
傲

更風塵鬢欲華此去定知相憶處寒更短燭話
天涯

春日小集靈谷寺值雨欲至梅花塢不果
帝京何處有閒行才入招提境便清空谷忽傳
天外響石林偏動雨中情如聞香雪浮春塢坐
對寒煙滿化城任是山靈能妒客不妨佳興醉
縱橫

別伯容

芳草傷心謝眺洲白雲不盡楚天愁故人罷聽

對床雨春水遙歸獨夜舟乘興君輕千里去陸
沉吾爲一官留細思下澤平生路愧負當年馬
少游

寄題望南胡君書舍

君家遙在白雲邊盡道高齋樂事偏春靜花香
生檻底月明帆影落尊前行將馴鶴時相狎坐
送冥鴻興杳然杭跡自來朝市遠不同平子美
歸田

春日同呂蘭谷閱昭余玉泉宇登清涼臺

清涼臺枕石城雄此日登臨感慨同風動花枝
頻刺眼煙浮草色欲連空帆檣隱度春流外殿
閣斜涵夕照中誰惜繁華殘玉樹至今遺唱滿
江東

燕子磯春望

精藍絕巘對巍峩興至登臨一嘯歌萬樹色搖
晴日曉千帆聲挾海風過天低吳楚連春水地
閣梁陳只故莎欲望長安遙極目不堪直北莫
雲多

送南將軍之鎮

海上初開唱凱歌
回中開闔意如何
三軍刀斗嚴程急
萬騎風雲出塞多
夜靜胡沙連玉帳
秋高漢月冷雕戈
懸知獨有封狼志
不數長纓係尉佗

牛首山同葉思梅陳一之馮士蒙賦

春山一壘氣氤氳
蒼翠眉間屐屐轉
勤石磴堪窮千里目
香臺疑拂萬重雲
蓮花時現諸天座
貝葉還探古洞文
莫笑乘閒無半日
暫從人世絕

埃氛

寄故人虞城劉正所茂才

憶從揮手大河干，歷遍關山路轉難。
雙隄漫疑千里合，尺書已是十年殘。
雲連遠樹中原色，雪帶賓鴻楚澤寒。
壯歲形容今改盡，夢中猶作舊時看。

送陳懷筠侍御轉官太僕之任

春城冠蓋動河梁，侍史廻車指帝鄉。
門下異才收欲盡，關頭真氣去能長。
房星暫借天開色，

卿月遙通 黼座光共道十年中執法簡花重
見肅臺霜

送吳左海吏部之河南督學

河橋春盡有離杯使者談經絳節催吏部文章
元命世中原氣色此登臺濤迴砥柱三門壯雲
湧天花二室開今日吳公門下士逢時豈少洛
陽才

代壽李太公廷評上林尊人

當年鼓篋罷橫經杯酒堪遺世上榮千古風流

高白社萬山真氣擁青城
飛霞偏引廬敖放夜
月遙吹子晉笙況是仙郎能愛日
春光長對彩
衣明

其二

劍外春生戲彩天文人元是馭風仙
山中叢桂
曾招隱海上靈椿共大年
浮世功名雙眼外累
朝全盛一尊前
殷勤欲效南山祝
萬里鶯花隔
綺筵

白門秋思

萬里霜飈拂檻遙白門秋氣感蕭條天圍故苑
疎烟樹月傍寒城帶晚潮鄉信遠隨鴻影斷客
魂暗逐角聲消十年小隱成空願青桂飄飄不
可招

聞播州捷音志喜

聞道王師久合圍巴雲黔日照戎衣金戈想見
旌旗繞玉帳遙傳露布飛軍令三更環蔡入凱
歌六月渡瀘歸從今火戍刀耕地萬里風生草
木威

九江阻雨同宋直夫作

江山秋氣正淒清
搖落何堪壯士驚
只道登臨悲故國
那知風雨滯孤城
五湖空抱陳登氣
九辨偏傷宋玉情
見說寒波流漸穩
明朝飛渡片帆輕

春興八首

江北江南望不分
蒼茫客思轉紛紛
他鄉風雨逢寒食
舊國山河對暮雲
乳燕啼鶯從上下
碧桃丹杏自芳芬
那知此地懷春意
不異秋悲楚

水濱

其二

薊門當日逐鳴珂
正道天家樂事多
帳底夜光宮月曉
空中仙曲羽衣過
風清花漏遲
長樂星澹霓旌拂
絳河自向江湖甘
吏隱五雲回首但
高歌

其三

白雲西望幾踟躕
况是平安信欲疎
落日天涯稀過雁
烟波江上渺愁予
路迷芳草賒春夢
淚

逐飛花點客裾
悔學曼容狗薄祿
擬從潘岳賦
閑居

其四

遙聞玉几傳
天語已有金鷄下
夜郎爭道漢
廷思汲黯誰知梁獄困鄒陽
楓宸不改浮雲
色黍谷難回白日光
却笑憂時無分者
悲來雙鬢亦成霜

其五

南國風流事
若何可憐春色
夢中過豈無院落

深啼鳥儘有煙花散綺羅柳外夕陽游騎遠水
邊上巳麗人多總緣千古興亡恨愁聽欄街玉
樹歌

其六

春水桃花萬里長漢家此日築宣防濁濤欲撼
長陵樹雪稻難輸洛口倉天步誰思成泄泄龍
門何計挽湯湯未須匏子嗟河伯祇願輪臺悔
武皇

其七

零落春光細雨前
郎潛日月自推遷
吟同惠子據梧地
醉謝陶公種秫田
海上珊瑚堪遠棄
踐頭桃李竟誰妍
君看車馬長安客
多少朱門盡戟邊

其八

擁被餘寒戀苦吟
非因遊倦嘆浮沉
空歛五斗糊吾口
轉覺千秋負此心
白日人間蒼狗變
春雲方外紫芝深
何當息念捐婚嫁
徑入名山訪向禽

九日陪湛虛叔同羣從諸文集于祖龍山
時湛虛初致政廣昌而予以乞假歸也

尊酒雍容煙靄中佳辰偏喜故山同
霜邊幽興生巖菊天外寒心斷塞鴻
此日會稽留謝客由來栗里屬陶公
乘高不用悲搖落綠篠丹萸摠未空

舟發章門連日遘回湖上夜坐作此呈際
雲七兄併示兒驂

湖上煙波遶豫臺沿湖孤棹重遲回
夕陽影帶

菰蘆澹寒水聲生雁鴛哀燈下殘編兒子課
牀頭細語弟兄杯自憐何事長爲客短髮繁霜曉
夜催

池口舟中

沙舛維舟日又晡客懷愁對楚雲孤誰憐貧病
長羈旅自笑留連似賈胡千里煙波迷宿雁一
天暝色下寒蕪那堪磊塊平生意願是壚頭酒
可呼

采石吊李白

誰向江頭問謫仙
孤亭迢遞俯江天
當年對酒悲今月
千載臨流悵暮煙
笙鶴已隨歸洞府
雲霞長自滿青編
何人解屈高常侍
轉使懷賢涕泫然

冬至前一日齋居

齋居退食靜無譁
官舍蕭疎日復斜
湖外寒聲回宿雁
天邊暮色落蒼霞
却尋往事情如夢
自笑流年鬢欲華
明發高臺愁望遠
他鄉雲物總堪嗟

暑中守歲有作是日陳蠡源年丈餽酒因
以爲謝

薄宦天涯久滯淫空齋日晏倍蕭森圖書過眼
慙玄草鄉國縈懷足楚吟守歲欲謀終夜醉開
尊偏識故人心誰知此際狂歌客不信人間有
陸沉

壬寅元日試筆

衣冠雲集鳳凰城共道留京比上京到處樓臺
迎王氣滿衢簫鼓動春聲煙花不改江南麗彩

筆長涵盡省清自笑爲郎淹歲月還如嚴助厭
承明

雪後春望

臺城物色動新年御苑離宮霄漢前香霧含風
晴不散輕雲帶雪曉偏妍韶光轉逼青陽麗王
氣遙從北極連聞道漢廷仙從滿彩毫誰和栢
梁篇

雪後陳允修見過同賦

雀散庭空日已曛獨憐清景望中分墻頭孤樹

留殘雪屋外寒山入白雲多病一官聊玩世故
人尊酒得論文近來問字疎羣少頻到玄亭只
有君

人日

人日江城獨望時澹雲寒雪正流姿登高作賦
仍爲客用韓公城南事對酒停盃有所思金縷欲傳香
閣勝梅花誰寄草堂詩自憐歲月驚雙鬢漸遣

青銅有素絲

初春雨夜書懷二首

少年意氣苦飛揚那信蹉跎四十強玄草世情
元尚白青春吾髮易成霜漢廷空羨侏儒飽越
俗還看章甫狂自是老懷工作惡更煩夜雨助
悲涼

其二

牢落偏驚歲月增空齋寒色望中疑千門雨雪
迷春樹一榻圖書擁夜燈賦就思玄心轉迫歌
來招隱興難乘不知今夕還鄉夢遠度雲山更
幾層

書感東省堂寅丈

清時拙宦幾經春長鏡羞彈短髮新世事悠悠
那足問生涯咄咄自堪噓才乖笑我工齊瑟道
直憐君積漢薪獨識歌中金石意不將片刺混
風塵

陳彞源年丈入奏先奉太夫人歸里有贈
青雲無意計行藏南北風流盡省郎世路誰能
常傍母壯遊幾度見還鄉綵衣更借閒居色春
酒偏從燕喜香任是除書君不問定知漢主記

馮唐

夜坐口占

雪窗燈火夜何其，况是愁心正絕時。
千里庭闈衣上線，百年勳業鬢邊絲。
久諳世路資誰借，浪說名山事可期。
澆盡春醪饒磊塊，知心惟有歸來詞。

別周比部右華

故人起草白雲司，京洛風流盛此時。
陌上青春方欲媚，尊前黃鳥忽成悲。
離亭芳樹搖晴日，遠

浦輕帆掛晚廳君到舊山休臥穩除書朝夕下
彤墀

寄題王彥貽退菴

丈室翛然晝掩關遁棲已是十年閒風塵久謝
團蕉外花月頻移几席間世上蒼肩空自貴天
邊鴻翮更誰攀多君早悟盈虛意却恠柴桑賦
倦還

送王衷宇祠部北上

檜蘭南向鳳凰臺人道千秋鳳更來盡省雲煙

清散帙名園花雨醉銜杯鐘殘長樂他年夢桃
簇玄都幾度開此去風流驚漢主定知題柱見
仙才

贈聶邈源中書聶善丹術

世廟時供奉

先朝供奉殿中郎曾把丹經侍玉皇江海自隨
歸夢遠林泉偏與舊盟長晴雲秀映巖芝色碧
靄幽生澗草香見說鼎間龍虎氣遙從初日射
扶桑

春日雨中集朱諧卿侍御水亭卽事二首

亭有蔬圃釣石

別館新開傍翠微，多君幽興更無違。
何妨亭榭分蔬圃，豈必江湖選釣磯。
落檻濤聲兼雨壯，披軒樹色挾雲肥。
相看玩世俱方朔，可道人間大隱稀。

其二

春城風雨阻芳遊，獨喜玄亭有勸酬。
峭倩琅玕藏宿靄，潺湲石竇瀉寒流。
天圍罨畫山如幕，地割煙霞逕自幽。
爲是卜鄰王翰似，頻頻杯勺慰

羈愁

山人王太古以詩見投賦此爲答

與君傾蓋秣陵城十載曾聞國士名絕調久懸
流水聽新詩疑作蒯緱鳴

王有集名吹劍

登臨秋色懷

人賦慷慨漁陽結客行莫嘆風流前輩盡不妨
江海自齊盟

荅何茂倩山人茂倩自言與先兄侍御有
國士之感因及之

公子翩翩氣不羣幾年長缺傍秋雲才非混俗

惟聽酒家有藏書雅好文高調郢中宜寡和
美名洛下久相聞自憐斷絕池塘夢懷舊何人得
似君

樹芸齋爲鄭生景時賦

君家書帶古來傳何似芸齋意更妍色泛秋風
長並粉氣含春雨乍疑煙名還七里高香草業
自千秋托素編任是枕中饒秘字不教有蠹蝕
神仙

葉思梅寅長旣以考績拜移封之命請假

歸里將有事于先學賦此爲贈兼抒別况
前年上國返鳴騶此日江湖問去舟畫省

主恩私雨露故山客夢久松楸潮生別浦帆偏
疾秋入平原葉自稠欲識離心共千里月明遙
夜一登樓

書貴筑喻臧方太公卷

見說藏山業早成飄然江海一竿輕風流自愛
兼儒俠雲水何勞變姓名有子還爲天下士行
年更似濟南生卽看 聖世脩殊禮靈壽杖來

漢陸驚

嶺南朱少襄游白下過訪出示所著飛泉

洞稿有作

高齋木榻未應縣有客相過問草玄海上携來
明月佩山中賦就白雲篇一時興動秋江曲萬
里愁生越徼天自識從今飛夢處偏從洞口挹
寒泉

重陽前一日集汪九陸秦淮水閣同謝少

連王太古賦

淮浦霜清爽色浮故人尊酒集名流望望連秋水
心俱遠坐悟寒香意自幽歲晏萍踪堪一醉時
危藿食有同憂明朝莫問登高事白雁黃花處
處愁

九日

天涯杯酒又重陽何處登高可望鄉搖落自應
愁作客風塵况是倦爲郎浮煙漠漠江流細殘
日依依苑樹蒼石態漸隨毛髮改菊花空作舊
時香

送徐羽蒼廷評捧朝正表北上

離亭杯酒思依依，搖落江關雁正飛。
霜色秋凋官道柳，朔風寒入使臣衣。
玉珂帶月隨仙仗，銀燭聞鐘侍紫微。
定識王春新氣象，浮雲收盡

靄朝暉

王太古舊有吹劍集，極爲王元美、吳明卿、
二先生推許。二公既逝，詩體中更此集幾
不在人口。因僕嘆賞，適符素尚，貽詩見謝。

聊此抒荅

當年作賦重南金
櫛爲千秋遇賞音
自向青山還掛劍
何曾流水復撥琴
風前海月憑誰拾
空裏天花未易尋
我欲煩君歌郢調
只愁和客轉傷心

贈王彥倫

一時湖海氣全新
愛爾風流更絕塵
獨有新詩窺正始
甘從年少學沉淪
卽論冠蓋名誰重
却向疎慵意轉真
莫怪陳蕃頻下榻
欲從辨寃對王筠

胡澹原刺史至白門偕飲馮士蒙署中時
澹原久中人言解官與余輩別十載矣賦
此寓感

相逢斗酒但爲歡早識人關行路難往辜風波
今已失故人容髮近俱殘合來不改張雷劍彈
罷何論王貢冠不盡殷勤携手意十年落月屋
梁看

次日偕士蒙陪澹原遍覽高座雨花木末
諸勝紀事二首

上方臺殿快登臨
瞻喜名山得恣尋
基罷竹房窺日
暝尊移石徑入
雲深域中不礙
人天眼空界
渾忘去住心
爾自風流輕
解組微官吾
豈惜浮沉

其二

覽勝高臺興有餘
故人初命呂安車
江流遠帶歸雲
白塔影斜懸
落照虛客裏
交情看轉密
醉來時態欲全
疎尚遺吊古
千秋恨屈指
河山幾破除

署中曉起偶書

懶散誰知拙宦情
蹉跎翻覺客愁輕
科頭爲趁曉山好
炙背偏憐冬日晴
善病不妨同汲孺
著書何用學虞卿
饒他磊塊生胸臆
濁酒澆來漸欲平

送熊忠許廷評北上
熊在比部時以疏言
官左遷

爲郎肯復嘆蹉跎
南北星霜十載過
祇謂牘焚梁獄解
那知薪積漢廷多
湖山對酒辭銀榜
風

雲朝天想王珂預識賜環 明主意不教顏駟
髮能瞻

龍大章于役江干投詩見訊併有浮沉之
感報謝一首

故人相望近長干意氣還堪斗酒看坐惜浮雲
江路隔空憐落月屋梁寒山陰自返王猷棹漢
署誰彈貢禹冠獨喜明珠偏照夜報君那有碧
琅玕

侍御雲泉王文與予有通家之雅遂成生

平知已臨別情見乎詞二首

豈因流水誤知音意氣偏從一顧深
落魄我懸天下士憐才君見古人心
雲山此去愁分手霄漢何年更盍簪
漫說通家文舉是龍門回首但沾襟

其二

浮雲四顧邈關河何限離愁寄短歌
江雁影寒南去盡臺烏聲切夜啼多
斗間氣散悲龍劍天關星聯想玉珂
一榭總盈知已淚非干身世惜

蹉跎

留別友人朱諧卿侍御二首

鄉里衣冠接後塵，當時意氣獨相親。
那知輦下肩隨地，還是林間把臂人。
寂寞我真疲執戟，丰稜君自壯埋輪。
停杯幾夕燈前語，總爲憂時易
愴神。

其二

江干搖落歲寒時，忍向尊前唱別離。
一日緜袍窮淚盡，十年雄劍壯心疑。
絃中流水惟憑汝，篋

裡明珠更傍誰預想臺城今夜月馬頭處處照
相思

銅陵飲吳明府署時乃郎新成嘉禮宗兄
月坡以送女至詩以志喜

相逢如夢喜還驚况是東南美正併冰玉共誇
新氣色金蘭更識舊交情 帝京烏欲催鳧入
子舍簫初學鳳鳴醉裏不知更漏盡華堂歌吹
總春聲

再贈吳明府

三年有政似南薰百里絃歌處處聞連郊露浥
桑麻秀遠郭春生草木芬久識優閑同單父况
將詩酒繼陶君故人信宿非容易肯惜銜杯坐
夜分

雪後青陽道中

久徑天開一線懸荔崖蘿磴足黃緣寒嵐天畔
依殘雪碧樹風前弄曉煙浙瀝流泉趨絕澗微
茫白鳥度平田自憐奔走堪乘興猶勝剡溪夜
放船

餘干道中

雨罷高齋鳥復啼，征輶曉色重淒淒。
寒雲偏向孤城積，衰草還連古渡迷。
去鳥遠隨山色暮，歸鴉斜帶樹烟低。
獨憐詞客蕭條意，萬古依然楚水西。

索居

秋氣蕭條日可悲，愁人風雨索居時。
山寒別岫雲歸早，村暝前林鳥去遲。
旌櫓濤聲來石澗，籬書燭影在茅茨。
尚憐蔣詡非迷俗，三逕還餘二

仲知

陳氏荷華山房詩稿卷之十六終

陳氏荷華山房詩稿卷之十七

高安陳邦瞻德遠著

七言律詩五十三首

金陵元日雪

南宮朝退火城過白雲千門亂玉珂
夜色廣寒連月曉春風天女散花多
觚稜分影搖宮樹承露含光映御河
此日漢廷遙獻瑞小臣空和郢人歌

廬山道上

芙蓉萬疊逼雲青
翠影紅霞不少停
日上香爐
高屈氣天臨石鏡
落寒星
西江遍浸金銀闕
南
斗長開錦繡屏
我自鳳歌同李白
好辭塵世傍
山靈

鳳凰臺

當年鳳去臺已空
寂寞荒丘俯故宮
蕭寺鐘聲
花雨外南朝古木
夕陽中興亡自管
悲流水
身世千今感斷蓬
賴是登臨春正美
滿城桃李笑
東風

與甘尉保話舊

江秋木葉下微霜白雁聲高坐聽長千里對床
懷夜雨十年分手記河梁肯論薄宦空歸橐尚
有新詩滿客囊其奈相逢驚老大悲風岐路攬
枯楊

別孫季屏

相逢如夢一燈前已是離魂欲黯然千里星霜
悲作客十年風雪記游燕白門樹暗烏啼急江
浦雲寒雁影連莫道此中懷易惡看君猶勝子

猷船

常太僕邀遊豐樂亭同備給諫賦

岫轉峯廻望欲窮
孤亭遙上白雲中
千松似沐逢新雨
萬玉如堆逼曉空
幽谷盤踞惟鳥逕
寒湫咫尺是龍宮
開尊莫問前賢事
今古風流一醉同

其二

王程信宿未蹉跎
興在名山喜再過
星節偶爲青瑣伴
風流偏是馬曹多
雲巒邀屐凌苔蘚
石

磴移尊藉薜蘿好去驛亭今夜夢尚隨猿鶴到
中阿

江浦館中聞陳易之寅文至京

喜爾重來意欲狂王程猶復阻相將星霜已是
經年隔燈火偏知此夜長宋玉自悲常憶友楊
雄何恨久爲郎湖光山色堤頭路正值新颿苗
香香

浦口却寄黃計部

平山高閣記曾登此度猶思興可乘岐路自疑

身是夢故人虛有酒如澠寒烟遠樹迷江浦莫
雨孤舟逗秣陵欲說奇遊心轉塞空齋蕭索對
殘燈

送吳宮坊曙谷北上

紫氣天門接道山仙人催上玉堂班
藜生太乙還相訪露下金莖近可攀
春草細時吟鳳沼綵雲深處對龍顏
亦知聖世多雷雨只在詞臣視草間

珠泉

何來泓水澹空清無數玄珠弄渺冥夜靜寒光
長映月秋清疎點欲連星豈煩象罔求偏得疑
有鮫人泣未停却笑風流誇解佩虛從漢浦憶
精靈

渡江關兵浦口作

江城迢遞有高牙羽扇臨戎靜不譁馬上霜戈
寒白日軍前曉角落梅花殺聲忽傍風濤壯陣
勢遙連睥睨斜何限紆籌談笑裏總緣憂杞更
長嗟

喻若窪青田邂逅金陵有贈

岐路飄零鬢欲霜相逢曾是少年場
扁舟水月懷江夜馬首煙花憶帝鄉
官拙我終慙小草政成君不愧甘棠
故人屈指多淪落斗酒招提細語長

送常五嶷比部還楚

當年啟事最諸郎鷄舌曾含殿閣香
謫宦風流堪玩世壯遊雲水暫還鄉
鴻聲月暗來彭浦樹色春晴見漢陽
知爾懷人應作賦高情終自薄

浮湘

送周右華太守之金華

江上驪歌不可聽，朱轡迢迢出郊壩。
花香尚襲仙郎草，劍氣遙冲婺女星。
遶郭雙溪流似帶，插天二峴立爲屏。
到來坐隲應多暇，飛鳥時看下訟庭。

送王又謨下第歸楚

帝城征客動秋悲，可訝長楊奏賦遲。
楚國未應沉白璧，漢宮元自惜蛾眉。
帆開浦口潮偏早，路

入潯陽雁獨隨何限故人搔首意南天烟樹總
迷離

池河營卽事

野戍霜飛畫角聲隔塵車騎曉風清魚鰕自湧
居人市映蝶輕穿別將營氣肅止綬宜校獵時
平緩帶一論兵欲知形勝饒狐壘南北相望總
帝京

九日集雨花臺得誰字

客裏逢辰意自悲登高何處慰心期天圍宮闕

黃雲莫寒入關河白雁知好事故人能載酒解
願同調有新詩籬邊休憶陶潛菊此日南山更
對誰

鳳凰臺送別陳牧伯

石城送客正悲秋况復登高問古丘鳳鳥不來
嗟寂寞美人一去失風流夕陽欲沒長干寺衰
草遙迷謝朓洲不是尊前能痛飲若爲江上奈
離愁

寄懷陳見南廣文

陶氏有詩
故人何在落星洲
聞說高齋事事幽
新雨江聲
時入座
夕陽山色幾登樓
柴桑酒熟同誰醉
南浦秋高記昔遊
千里尺書勞問訊
寒雲哀雁正堪愁

送許仰亭吏部之楚臬

白門寒色正飛霜
惜別遙看雁幾行
使節星連江夜迥
客帆風過楚天長
潮聲月上經樊口
樹影晴開見漢陽
知爾南樓清嘯暇
懷人盡省記含香

別毅卿弟

高齋相對夜燈紅
杯酒狂歌感慨中
爾自長纓思繫虜
我曾緩帶笑臨戎
幾年盡省空籌箸
萬里天山好桂弓
總是分携多意氣
離心未肯怨秋鴻

送呂王繩少叅

名家人自鳳凰毛
綠髮風流動省曹
南國久懸公望重
中原忽借使星高
單懷煙樹迎征幟
淇上春花照佩刀
可憶白門分手處
霜催木葉滿

平臯

瀟山道中次壁間韻

青春驅馬度層巒秀入川原雨後觀天上玄綃
猶曳霧澗中哀玉暗鳴湍帷寒曉日光長動劍
傍疎星氣自寒自笑山行空逸興晚公靈跡得
遙看

途中卽事

春風吹動故園情馬首春光越曉晴新水稻泥
初拂燕煖風花樹盡啼鶯垂楊十里人家近芳

草千山客路平猶向川原重回首五雲飛處是
神京

雨中卽事

官程何事苦衝泥久經危橋怯馬蹄風雨連晨
方未已川原四顧總堪迷春山煙樹聞啼鳥野
店茅簷過午鷄千里親庭何日近白雲知是大
江西

乙巳春乞假歸里省侍有述用趙安甫送

行韻

春風消息到吾廬
纔賦歸來意已舒
愛日幸能娛
莫景清時非敢戀
閑居暫廻蜀道王
郎馭好奉郊園
潘氏輿獨向
主恩虛浩蕩
青山飽坐轉慙予

樟鎮同胡適余登寶金山閣

上方勝地偶來過
共倚危欄一笑歌
二水風濤帆影合
萬家煙火市聲多
夕陽黯澹依平楚
春色萋迷滿綠莎
漫道登高饒客恨
薄遊吾計未蹉跎

春日過墾南胡丈江天別墅同王希哲賦
春山晚氣坐來清石徑雲林幾度行堦樹重看
深古色苑禽時聽足幽聲帆檣帶雨天邊落洲
渚浮煙檻外平最是仲宣工作賦登臨何似異
鄉情

寄贈夏給諫使琉球

萬里波濤靜海涯待臣將
命問皇華風雲遙
護中朝節星月元通上漢槎
瞻北自應長拱極
指南何必更爲車
早知文采傳青瑣
詩過鷄林

未足誇

臨江廣壽寺同胡繼善太學寺僧沂泉夜

坐賦

城頭古刹石堂深
偶脫征驂向夕陰
香氣霏微空際動
鐘聲杳靄雨中沉
細將淨業從僧語
况對閑雲澹客襟
濁酒青燈饒逸興
同人那復嘆浮沉

秋日登樓述感

關山何處不堪愁
總是馮唐易白頭
北望浮雲

猶傍日西歸落葉又逢秋若爲故國嗟留滯肯
向清時憺倦游半世行藏無可問朝來搔首獨
憑樓

十四夜席上同祇台賦

秋霄晴氣淨銀河桂魄飛臨練影過寒色欲連
千里曙清光漸溢九分多登樓愁罷風前笛對
酒歡餘醉後歌共有觀濤放叔興廣陵明月月
如何

十五夜對月

西民荷華山房詩集 卷之十一
濁酒清歌樂未央，秋光萬里入飛觴。他年見月傷游子，此夜登樓是故鄉。水上玉繩低度影，山中金粟暗聞香。誰思絳闕騷鸞處，風露寒多漏正長。

寄吳預梅明府時新有粵轄之命

江上鴻書幾度聞，山中空復嘆離羣。悲秋意倍逢寒雨，望遠心勞隔暮雲。籬落黃花方寂寂，亭皋木葉正紛紛。如傳嶺嶠邀飛鳥，幕府風流誰

後

春日家居偶成

芳原淨社遍春姿故國閑居動遠思高樹花明
新雨後平林鶯囀早晴時泉聲瀉澗鳴書榻山
色空簷墮酒卮回首舊遊行樂處五陵車馬正
追隨

雨不已

青春歸客欲愁輕陰雨無端百感生黯淡高齋
朝晦積蕭條古道暮雲平登樓何日來山色伏
枕中宵滿澗聲爲報六龍須轉轡千林桃李待

舒英

焚黃日上先塚志感

庭趨已隔九原幽，
岵嶵頻傷千里遊。
歲月空能深雨露，
夢魂長自斷松楸。
主恩新喜題京兆，
鄉論逾知重大丘。
雪涕誰憐今日意，
半生腐落愧箕裘。

送呂王繩虞部之江上

倦卽擁傳有光輝，
已覺風流省署稀。
遠水寒星連使節，
早秋涼颼入征衣。
尊開夜月吳天迥，
帆

引朝煙楚樹微千里澄江長似練新詩肯減謝
玄暉

秋日懷金陵舊遊

秋色懷人欲斷腸千家砧杵禱衣裳月明寒渚
天如水水落空山夜有霜鷓鴣夢回鐘乍曉盧
龍目斷雁初長一時多少含香侶題柱風流不
可忘

寄劉斗陽侍御二首

十年風采惠文冠歸興青山得暫看世事尚多

生感慨侍臣何自雅盤桓潮聲南浦開尊落雁
影西峯柱笏寒莫道客星留澤國早知卿月動
長安

其二

京洛爭傳御李難通家一顧有餘歡心從青史
千秋近與入芳尊五夜闌南國寄書愁歲莫白
門折柳憶春寒欲知此日臧題意珍重加餐字
不乾

朱諧卿侍御書來頗致一二鉅公椎轂之

意賦此志感

青春粉署賦歸來歲晚柴扉只獨開歷落久知
無宦達吹噓誰道有憐才故人魚素情何重上
國鵷行夢幾回自是冰霜催律轉可無芳信動
寒梅

前得朱諧卿侍御書云蔡懷峯尚寶已爲
古人悼感之餘忽接尚寶春間所寄書因
有此賦

曾向中郎識論衡當年爲別已魂驚祇言岐路

多南北那悟回頭有死生千里傳書成絕筆一
朝聞笛起哀聲莫雲落日淮西路苦憶蕭蕭斑
馬鳴

酬贈新昌丞郎君郎名文煥故越中名士
太守戴公嘗稱其人

如龍佳氣滿江天才子名高佐邑年越箭干雲
元獨秀梁珠照乘更孤縣官庭訟罷聞啼鳥山
閣詩成對夕烟見說扶風經術最還因上計識
張玄

歲莫書感

空山歲莫自棲遲，獨立愁吟有所思。
飛鳥乍窺寒渚落，歸雲如與夕林期。
眼中朋輩多先逝，世上功名已後時。
萬事傷心驚白髮，濁醪滯酌不應辭。

偶成

歲晚窮村臥正高，北雲南樹轉心勞。
姓名漫入山公啟，夢寐虛添益部刀。
隙裡百年宜縱酒，人間萬態付持螯。
久知衰壯尋常事，作賦何須嘆

二毛

丙午立春作時予方里居恭聞

皇長孫生仍有 詔罷閑採云

山村梅柳入芳新
柏酒辛盤喜更頻
氣動王春回暖律
光浮帝日轉重輪
幾年應宿依郎署
萬里瞻雲憶紫宸
不及兩階同率舞
康衢還共祝堯人

守歲

空堂燈火夜相輝
痛飲無嗟心事違
歲月久知

深華髮生涯況喜越斑衣漢家經術名誰貴楚
國陽春調本稀愛惜殘更還獨證回頭四十九
年非

丙午元旦試筆

三朝佳氣滿蓬萊鐘漏聲微曉殿開玉佩響搖
雙闕步椒花頌入萬年杯彤庭簪筆樵時彥粉
署含香擁上才萬里郊原勤北望五雲高處首
重回

賦得春寒

春光澹蕩正宜看誰遣東風叫峭寒睡起乍疑
鶯語澁早行重覺客衣單積陰護柳晴猶在宿
霧沾花濕未乾十里朱樓簾不捲美人應怯倚
欄干

賦得垂楊送客

陌上垂楊弄曉風客心惆悵怨西東雨青渭舍
思關塞煙綠隋堤泣故宮欲折長條魂已斷漫
隨飛絮夢還空縣知離恨愁枯樹岐路年年逐
轉蓬

清明上先墓述感

山徑迢迢入草萊
墓門寂寂長莓苔
春風寒食村煙斷
落日荒原杜宇哀
粉纈何年身共老
鶯花幾度首空回
欲知雨露無窮恨
半世飄零愧不才

陳氏荷華山房詩稿卷之十七終